

頻伽大藏經

九洲圖書出版社

頻伽大藏經

人所遍知若非所遍知是爲虛

摩訶止持地門若常若無常是也故論觀陀羅尼門若常若無常

羅尼門若樂若若是我戲論觀摩地門若我若無我是爲戲論觀

若爭若不爭是爲成論。視能羅已明。若爭若不爭是爲成論。見三。然也。

我亦不取淨土爲彼論見三所也月存甚難

[illegible]

地門者爲所通知若非所通知是您戲論戲論附羅若無1我處1所通知若

服門若當於無常是爲戲論觀無相無願解脫則上焉哉前常光爲

解脫之空解空

解脫
若小爭
成
說無
《
TF
作無
世

民國

步

解脫門若有所知是爲戲論

知是恆應。善現。普薩摩訶薩觀極喜地。若常若
不遠。雖是常。

不動地 靜息地 在空地 若常若無 常星宿 地輪印

此為明故存地舊我竹無少正為明人而具在

高麗時坊生刀工初生耶持洛不

蘇子不無醉是爲醉公得佳賓地

頻伽大藏經第七十二冊目錄

○金光明經玄義拾遺記續前

七二・一

卷第五(七二・一) 卷第六(七二・一〇)

○金光明經文句

六卷 隋智顗說 門人灌頂錄

七二・一九

卷第一(七二・一九) 卷第二(七二・二九) 卷第三(七二・四〇) 卷第四(七二・

五一) 卷第五(七二・六二) 卷第六(七二・七一)

○金光明經文句記

十二卷 宋知禮述記

七二・七九

卷第一上(七二・七九) 卷第一下(七二・九〇) 卷第二上(七二・一〇一) 卷第二

下(七二・一一二) 卷第三上(七二・一二三) 卷第三下(七二・一三五) 卷第四上

(七二・一四九) 卷第四下(七二・一五九) 卷第五上(七二・一七〇) 卷第五下

(七二・一八一) 卷第六上(七二・一八九) 卷第六下(七二・一九八)

○佛說盂蘭盆經疏

二卷 唐宗密述

七二・二〇七

○首楞嚴經義海

三十卷 唐懷迪證釋 宋子璇義疏并科 宋曉月標指 宋仁岳集解 宋咸輝排經入注

七二・二二三

卷第一(七二・二二七) 卷第二(七二・二三五) 卷第三(七二・二五〇) 卷第四

(七二・二六五) 卷第五(七二・二七九) 卷第六(七二・二九六) 卷第七(七二・

三一) 卷第八(七二・三二九) 卷第九(七二・三三九) 卷第十(七二・三五二)

卷第十一(七二・三六四) 卷第十二(七二・三八〇) 卷第十三(七二・三九六)

卷第十四(七二・四〇七) 卷第十五(七二・四一七) 卷第十六(七二・四三九) 卷

第十七(七二・四五七) 卷第十八(七二・四七一) 卷第十九(七二・四八五) 卷第

二十(七二・四九五) 卷第二十一(七二・五〇七) 卷第二十二(七二・五二三) 卷

第二十三(七二・五三九) 卷第二十四(七二・五五六) 卷第二十五(七二・五七四)

卷第二十六(七二・五八七) 卷第二十七(七二・六〇二) 卷第二十八(七二・六

一〇) 卷第二十九(七二・六二四) 卷第三十(七二・六三六)

○大佛頂首楞嚴經會解

二十卷 唐宋九師釋 元惟則會解

..... 七二・六五一

卷第一(七二・六五三) 卷第二(七二・六五八) 卷第三(七二・六七〇) 卷第四

(七二・六八二) 卷第五(七二・六九三) 卷第六(七二・七〇二) 卷第七(七二・

七一二) 卷第八(七二・七二六) 卷第九(七二・七三八) 卷第十(七二・七四七)

卷第十一(七二・七五六) 卷第十二(七二・七六五)

金光明經玄義拾遺記卷第五

宋四明沙門知禮述

四觀三般若三初標二釋三初約圓總舉總舉一心空假中三是三般若何者下略示三相以即一而多示假相即多而一示空相非一非多示中相於一念心而論三相不前不後亦不一時二寄次別釋三初假次空後中初一心一切心別示假也假在初者假有二種若在空後即建立假若在前即生死假欲明凡夫從心生過警於初學有漏之心念念常造六道三障令知其過動習空中以求出離故於三觀示假在前日夜常生無量衆生者謂一業成百千萬生受報不盡一一果報皆有假名如諸經律所明來報那不自省輒謂無生十二因緣喻如鈎鎖相續無際故云一心一切心此生死假即建立中所治之病舉病顯藥假觀立也二一切心一心別示空也既知心有則生諸心欲寂諸心當觀心空須約四性檢一念心生滅叵得一心既空一切安有故舉小火小珠喻一心空燒薪澄海喻一切空故云能觀心空從心所生一切諸心無不即空欲明空觀其相顯故故寄二乘分齊而說三雙亡二邊故煩惱非一非一切別示中也現前一念若定空者下能舒出一切有心若定有者何能卷歸一空心耶不空不有無狀無名強稱中道復以識智示其邊中經云不依識者非眞實識是虛妄識凡小依之著有沈空二種之樂也經云依智者非二乘一切智及菩薩道種智是一切種智也故屬圓教佛及菩薩達二邊中故名求理欲示中道觀相明故故斥二觀其實三諦一心圓照三依圓對智二初對智言如是觀者即一心三觀者示三觀相須寄次第爲明對破三種惑故顯三諦故若能一心修此三者自成圓觀何則頓破三惑則一空一切空也頓顯三諦則一假一切假也三皆妙故則一中一切中也此三方是圓三般若二明圓據大論文三種觀智實在一念體是祕藏故離前後及並別等大經依智智體如是初心依止即名佛行三結例如前說五觀三菩提三初標二釋三初約圓總舉如三般若二寄次別釋以次第三顯圓頓意亦同前三般若說但今假觀列於空後復明藥病是建立假又前般若體是三智但於一念略明修相不須借義示於觀法今菩提翻道是能通義又菩提心體是四弘大集經云未度者今度未解者令解未安者令安未滅者令滅四皆度生今三觀中皆云度心數之衆生乃是借彼度他生義成今三觀度已衆生故知附法含託事義文自爲三初破假入空

七

經

金光明經玄義拾遺記第五

七十六

七十一

先舉生死爲所破假。卽一切心也。起非次第。故交橫繚亂。乃舉四物。喻繚亂相。如絲之亂。如沙之多。如蠶自縛。如蛾自然。此四喻於世間因果。是故總云。爲苦爲惱。次若知下。正明卽空。菩提心觀。若空觀相前。三識中。已曾略示。是故今文。但云。知空。此菩提心度義。通義並約見思。卽空而說。二破空出假。先舉空過。經云。空亂意等者。經卽涅槃斥小之文。小乘詮空。爲寂滅之理。以有爲妄亂。大乘詮中。爲寂滅性。乃以空有俱爲亂意。雖離有亂。仍被空亂。今修觀時。心若著空。卽指此心數。爲空亂意。衆生此空心數。望彼見思。而得名智。今論假觀。此智是亂。故云。智亂甚盲闇。小乘證空。得三無爲。謂擇滅。無爲非擇滅。無爲虛空。無爲此處滅心。菩提善根。不得生長。故斥爲坑。是大乘怨鳥者。大論三十云。譬如空澤。有樹名奢摩黎。枝觚廣大。衆鳥集宿。一鵠後至。住一枝上。枝觚卽時爲之而折。澤神問言。鷗鷺皆能任持。何至小鳥便不自勝。樹神答云。此鳥從我怨家樹來。食彼樹子。來棲我上。或當放糞子墮地者。惡樹復生。爲害必大。是故懷憂。寧捨一枝。所全者大。菩薩摩訶薩。亦復如是。於諸外道天魔等。無如是畏。而畏二乘。二乘於菩薩邊。亦如彼鳥。壞彼大乘心。永滅佛乘心。今取此義。明破空出假成菩提觀。次若眞下。正明假觀。菩提心相眞卽假。故依空建立也。此菩提心度義。通義並就塵沙卽假而說。凡論假觀。不出三義。謂知病識藥。應病授藥。令得服行。今從分別下。以四分別明。四悉檀。寄此四悉。總明三義。可不同卽世界時。宜生善。是爲人。以藥治病。卽對治。逗機會理。是第一義。此四明了。卽假觀成也。三破邊入中。先舉二觀。未免生過。今爲所捨。而以見思及塵沙惑。爲浮沈病。空假乃爲二病之藥。以病偏增。故藥偏用。藥存成病。著若墮二邊。增無明病。故須兩捨。次非空下。正明中道菩提心觀。此中度義。通義皆約無明卽中而說。心無能所。名不住法。此法方可住於中道。三依圓對法。二初明圓說。欲相顯須寄次第。觀就理融。則無前後。前三般若已明其意。二對法。今三菩提就異名說。眞性菩提。三皆妙絕。故亦名無上。實智菩提。三皆蕩相。故亦名清淨。方便菩提。三皆自在。逗會無遺。故亦名究竟。三在一心。故三各三。以體融故。發卽俱發。是故當體名金光明。三結如前。六觀三大乘。三初標。二釋。三初總立觀法。二約境明觀。附三大乘修圓三觀。必須境觀義符於乘。以乘是運義。三種大乘無法不運。性既具運。故逆順修法。爾而運。今體逆修。念念四運。運卽性。性是三諦。乃成三觀。順修妙運。此文分三。初明四運爲境觀。一念者。趣舉一念也。心隨境遷。起滅更運。故一一念無不四運。從未至已。終而復始。凡愚不覺爲運。所遷故以閉。

目喻凡不覺舟行喻於四運心疾。二明三運爲觀。圓教行者知剎那心性。是祕藏。祕藏偏含未始暫缺。故無一運非空。假中得此意者。四運愈遷。三觀彌進。故止觀云。薪多火盛。風益求羅。所以大師常示衆云。實心繫實境。實緣次第生。實實迭相注。自然入實理。實心繫實境者。三觀繫三諦也。實緣次第生者。四運迭遷也。四運是境界爲觀緣。如薪助火實。實迭相注者。三觀實心注。三諦實境此之實境。還注實心相注不已。自然從於觀行相似。得入初住實理之中。此乃以三觀運運於四運。亦是四運之運。運三觀運。皆得名爲以運運運。三明對失顯得。若迷三諦。但隨四運。則生死無窮。若觀四觀。即是三諦。則涅槃在。即三以觀對乘。二初約法對三乘。爲大車。三諦是道場不動而運。無到而覆。二約人歎三乘。即一乘等者。理乘爲車體。故高廣無過。隨乘爲白牛。故行疾如風。得乘爲具度。故莊嚴絕比。雖三而一。雖一而三。此微妙乘。乃是觀行。觀音普賢大人所乘。故名爲大三結。如上七觀三身三初標。二釋三初立觀顯法。二約心明觀於一念心修三身觀。必須境觀皆有身義。故先明一心能起十界。即顯一念具十界身。次於十界。即起三觀。則彰十界無不三身。初文爲三初明十相。今家妙解華嚴心造。乃有二義。一者理造。造即是具。二者事造。通於三世。造於十界。謂過造於現。過現造富。現造於現。皆由理具。方有事造。故十界身一。皆是全性起修。雖全是性。而因成感果。無少差忒。如破戒心。成能造地獄種種苦具。宿豫嚴待。故十界身皆有假實。及以依報。無有一物從外而起。二辨難易。良以衆生無始熏習惡多。善少。致令心心念多緣惡身。未駕五乘。先遊四趣。登難墜易。誰曰不然。修觀行人。於十界心常當循省。三結唯心法。譬可見次文者。於此心境而修三觀。顯於三身分。三初空。五受陰洞達。空無所有者。語出淨名。受陰心也。五者五處生受。謂受有受。無受亦有。亦無受非有。非無及不受。亦名五取陰。觀此一陰空。無所有。則令十界皆不可得。翻地喻心。空草木頃盡。一切身空。二假若就一念觀十界空。已具三諦。今斥空者。欲顯假觀立法功。故復慮圓人退大取小。故寄二乘斥空灰寂。空心不能起十界聽。乃彰假觀無身不現。言同六道者。必是文悞。此文自云爲現佛身及三乘故。三中二初著二斥偏斥意。亦同假觀斥空。二亡三顯。中間正爲明中何須亡。答末陀摩經自注云。末者莫義。陀摩者中義。莫著中道也。釋籤據此立中道義。故知亡中方是中觀也。文中初列十三不得亡於身假。亦不得身如下亡於身空。如是空義也。亦不得身性下亡於身中性。是中義也。空中各各具亡十三。略舉初後故云。乃至也。語遺情則三諦俱

亡論顯理則三諦俱照八尺身性五胞相性乃至修性及修者性身十三法既皆云性具義善成且舉人身以爲語端理合十身身十三一一皆性則彰十界各具十法一一即性就此論忘故畢竟清淨方顯十身皆即中道三以觀對身三結可解八觀三涅槃三初標二釋三種涅槃皆具四德方名圓極故今觀三一皆成常樂我淨觀法既同乃就三境而辨三相雖於一境顯一涅槃須知一一無不具三若不爾者何能令三皆具四德此義前文已曾委示文分爲三初約報心觀性淨報心無記本淨易彰心性既寂豈唯寂淨亦本寂是故本性不染不淨若可染淨性則生滅故云染故名生淨故名滅以不生滅四德義成既云生滅不能毀故常驗於不染不礙不受三句皆須言生滅避繁故略具四德故名性離生滅故名淨故名性淨涅槃二約起心觀圓淨妄念煩惱宜觀圓淨圓淨是智須論破惑用三正觀破三妄念應三諦性令三妄念不染故淨不毀故常不礙故我不受故樂四德顯故圓三妄泯故淨淨故不生圓故不滅故名圓淨涅槃三約諸數觀方便淨諸數造作是故託之觀方便淨諸數不行者不隨妄念造生死業而隨正觀作不思議業乃是轉於八萬塵勞爲八萬三昧及總持等諸數既轉故不毀方便不染方便不礙方便不受方便令方便淨成四德也四德益他故名方便諸數不行故名爲淨淨故不生方便故不滅此乃諸數當體成方便淨涅槃三結可知九觀三寶三初標二釋三初立觀顯法二附法明觀二初約諦智及和就名共論三寶二約修性及和剋體各立三寶二釋意者蓋以三寶修性相對有開有合初則約開論合故以九義立一三寶次則約合論開故就三名立三三寶初文三初依經立名一體三寶佛名曰覺法名不覺僧名和合二約義釋相此之三寶既與三德同出異名三德互具一一論三是故三寶三不孤立不覺是性餘二是修二修各三一性亦三性中之三既未覺悟同名不覺雖未覺悟理本諦當故名三諦是爲法寶全性起修成三諦智既能覺悟故名佛寶此三覺智與性三諦相應和合故名僧寶非三諦法無三智佛非諦智和無三脫僧三結歸寶義此佛法僧諦智圓極妙用廣大實可尊重寶義成就非專極果五即皆然次文分三初約性德三俱不覺三諦在性未起修德覺了智故是故三諦皆名不覺而此三諦性是三德中是法身故當法寶真是般若故當佛寶俗是解脫故當僧寶若其不指迷中三諦爲三寶者何能彰於性攝二修不以不覺便無佛僧二約修德三俱是覺三智在修俱能覺了是故三寶皆立知名蓋此三智亦是三德知中之智體是法身故

當法寶。知空之智體是般若。故當佛寶。知假之智體是解脫。故當僧寶。不指三智爲三寶者。寧知覺智能攝理性。及化用耶。三約相應。三俱和合。三智在修。故皆屬事。三諦在性。故皆屬理。三諦三智。既皆相應。是故約和明於三寶。以由此三亦是三德。故對三寶中。事理和體是法身。故當法寶。空事理和體是般若。故當佛寶。假事理和體是解脫。故當僧寶。雖是三德。以就諦智相應義。故三俱解脫。若此三義非三寶者。那彰三脫合三諦智。且如今家於諦於智。及以解脫。一須三是何意趣。若讀今文。觀心三寶。開合二釋。生驚疑者。當知未解一家教觀三三之意。徒說徒行契證。無分又事理和者。一念十界。可分事理。若此三智契九界三諦。名與事和。若其三智契佛界三諦。名與理和。事和則有三教三寶。理和則有圓教三寶。一念事理不分。而分其義。宛爾孤山第三意有三三。破此義云。又云中諦不覺名法。眞諦不覺名佛。俗諦不覺名僧。夫佛陀梵語。覺者此言。託事成觀。安得違義。豈佛陀翻不覺耶。此皆昏醉之譚。於理何益乎。釋曰。佛翻爲覺。人誰不知。前科立名。不覺名法。寶覺名佛。寶和名僧。寶此之名。義皎然如日。今重釋中。次文佛寶三皆云。知豈非覺義。以翻於佛。今云眞諦不覺名佛。寶俗諦不覺名僧。寶者。蓋欲令人解於法寶。卽具佛僧。此之三寶。以法爲主。是故三寶皆言不覺。以由眞諦是性德。般若當於佛俗是解脫。故得名僧。而皆未有覺不覺智。是故三寶通名不覺。彼人不曉法寶眞諦是性般若。故妄破云。不覺翻佛。次佛寶具三皆從知立。僧寶具三皆從和立。故思益云。知覺名佛。知離名法。知無名僧。三皆云。知乃於覺義。開三寶也。覺義既然。理合不覺。及以和義。各開三也。佛世機利。不須徧說。如此方各一體三寶。乃與三德無二無別。若不然者。安可一念融妙而觀。如此等義。若非四辯之親宣。孰臻三寶之極致。故知正言似反。他莫信之。昏醉之誣諒。招塗炭矣。十觀三德三初標二釋三初直列三觀二約觀明德二初正觀德二初約圓示觀二初示觀圓妙三德體必互具一一皆三不縱不橫。方名祕藏。大師示位。雖居五品。能知如來甚深祕藏。卽以祕藏爲諦。爲觀。融一切境。今體一念性是三德。卽以三德而爲三觀。故明三觀一一融攝三觀之首。皆言卽者。指一念心卽三諦。故初云卽空非卽偏空。乃觀一念卽圓空也。此空能破三諦相著。故云一空一切空也。言無假無中而不空者。非獨空觀於法破相。假中亦能於法破相。何者。以空破相卽眞破俗。以假破相卽俗破眞。以中破相雙遮二邊。此三頓破名畢。竟空空既破相。有何積聚。然具三諦不縱不橫。卽祕密藏。此藏具足常樂我淨名般若德。次云卽假非卽。

偏假。乃觀一念卽妙假也。此假能立三諦之法。故云一假一切假也。言無空無中而不假者。非獨假觀能立於法。空中二觀亦能立法。何者。以空立法卽俗立真。以假立法卽真立俗。以中立法。雙照二諦。此三頓立名爲妙假。既攝三諦不縱不橫。名祕密藏。此藏具足常樂我淨。名解脫德。次云卽中非卽但中。蓋指一念卽具德中。此中能妙三諦之法。故云一中一切中也。言無空無假而不中者。非獨中觀於法絕待。空假亦能當處絕待。何者。以空中故眞諦絕待。以假中故俗諦絕待。以中中故雙遮雙照。但絕對待。此三頓絕名爲圓中。既攝三諦不縱不橫。名祕密藏。此藏具足常樂我淨。名法身德。此三德觀列諸句者。但在離於偏破偏立及別觀中。得此意者。能所既寂。言慮都忘。故得名爲不思議觀。如是方顯三德祕藏。二明圓從一中至無所畏。皆華嚴文所言一者。趣舉一法也。無量者。一切法也。若以三諦收一切法。無有餘也。復於三諦隨以一諦名之爲一。如是一三展轉生起。如示觀文說有茲觀解。聞一不畏滅於三德。聞三不畏增於一實。當知下復以一多而爲四句。顯不思議。離縱橫等成祕藏觀。二寄佛明德。二初明德從觀立。佛體命力從三觀成。況復體等是空假中不可分於能成所成。二明德受藏名。二歎心境。二初據經歎要。諸佛皆具眞性實慧。方便三種解脫。今但云解脫。亦是一中解多之意。此之三脫與其三德無二無別。但佛法太高。初心爲難。心佛無差。觀心則易。是故令於心行中求。蓋衆生心卽空假中。是眞性空是實慧。假是方便。高下雖殊。其性不二。故使觀心得佛解脫。今觀十法其意皆然。二例三無差。他生他佛。三德三脫。己心三德豈與觀殊。三結法歸題。題標三字。既是三德當體之名。故以三觀對於金等。義當三觀顯三德也。三結例前三對斥邪空顯觀心功德。三初叙彼邪空。今立觀法。皆依佛言。佛令依經修觀契理。復教設像。託似觀眞。經詮佛心。像寫佛質。此二不敬觀何由成。今作理觀以爲正修。恭敬事儀用爲助道。世間愚者不知此意。妄執癡空。見今觀心。復敬經像。謂乖平等。難今修觀。三身不成。乃執佛經及以佛像。同餘紙木。我於經像不生敬心。於餘紙木不生慢心。自行化他。三身義足以此癡空毀。今正助合修之行。二以事對破。彼執癡空詞既虛誕。故但以三事驗其悲慢。三身不成。初破平等義不成。汝於廟勅既須敬畏。於佛經像何以輕慢。畏慢既起。諸使熾然。平等不成。法身安在。二破智慧不成。師學兩分。憎愛俱立。既生憎愛。驗是愚癡。愚癡非智。報身則失。三破化他不成。癡空非智。方便則縛。執凡愚見。生憎上心。我慢相傳。師徒必墮。三毒邪氣。轉入他心。化益全無。應身何在。二明今

觀德邪空之輩妄毀觀心以事驗之其過略爾今立觀心復敬經像有何功德略論有二所謂有方便慧有慧方便此二俱解爲三身因即顯癡空二種俱縛非三身本二功德者於凡夫位修圓實慧以敬經像方便資故令慧不縛以不縛慧導恭敬善誠勸衆生故復能令方便不縛三身因者有慧方便能成應身有方便慧能成報身所顯實相即是法身豈同癡空立三身耶二約義重明二字眞諦所譯七卷別名金光明下復安帝王今之識經唯標三字故前文云若依四卷題但作三字無帝王兩字若依經文有經王之義若說不說俱亦無妨大師釋題前雖據文且論三字今復約義重明帝王故翻譯章備舉眞諦華梵二文而言此師譯題最爲委悉乃是作今重釋張本也釋中先約眞諦解眞諦譯此經後以統攝義釋帝王字乃將三身分對三經意云諸經各說一身此經具有三身名義故能統攝華嚴等經是故得帝王之目分割三身優劣大教具如疏斥必是赴機且作此釋耳二明今師釋二初明應具三義三初標名畧示欲約教觀圓對三法故示帝王必具慧義即以神謀聖策并帝是貴極王是朝會合成三義謂帝慧王二釋出三義此義於他仍是譬喻若據今師皆是當體三引經證成初取所游深廣法性證貴極義若從能游乃屬慧義次聞者思惟雖在於因然其初心卽用果智此顯圓宗因果不二甘露雖理從能開入及能處食皆是聖智雄略之義諸佛菩薩以朝會故佛得常住菩薩莊嚴乃至諸河焦乾希有事現是利益義孤山第四事悞破此文也而言事悞有四其一云夫附法成觀祇觀前文所譯法相且此文唯釋識本三字之題及以觀心反用眞諦立題帝王二字其二云厥或直用猶可從容況復擅加慧字其三云又加其帝王二字之聞而云帝慧王如至尊之號可以文武聖神等字於皇帝二字中間著邪其四云又云慧者是神謀聖策帝則貴極至尊王則萬國朝會此解釋者出於經乎備於史乎載於子乎見於集乎苟四者不譚則是冒臆謬說智者聖師豈其然乎今釋其一者大師重明帝王之義甚非徑庭先叙眞諦局解次陳今之正義今義又二初明應具三義次依三義解釋釋中自有二意初約教義釋二約觀行釋教觀顯然如指諸掌是前文已用教觀釋其識譯三字題訖今復用教觀解眞諦譯帝王二字何曾但附識譯三字之法而約眞諦二字明觀若觀此破尙讀文不委況觀道深致何勞擬議乎釋其二者今師解經要在顯義以眞諦所譯文雖標二義合具三如世帝王豈不具慧故云今明帝王應具三義也立此三義爲能詮名以召所詮十種三法以三召三令理可識至唐

義淨重譯此經名最勝王果符大師所立三義極尊釋帝與最義同。慧之聖神與勝義合。以新譯驗三義宛然。況約義加文顯有其例。如今文句釋經五戒欲令義顯。乃於各各忿諍之下。加於人人不信之句。財物損耗之下。復加虧失禮度之文。何不破擅加二句。使令文句成訛說耶。釋其三者。今明帝王具慧義者。意用三名詮乎三法。以十三法唯有三寶佛在於初八種皆同三德次第。今欲準此帝詮法身慧詮般若。王詮解脫。順所詮故。故安慧字居二之間。大師宣揚多從義便。釋妙法則先法次妙。釋觀世則先世後觀。以今重明帝等三義。乃是法性當體之名。尚非譬喻。安得全同皇帝尊號。況復自云帝王合具慧義。非謂令將經題添於慧字。那忽掩其義而責其字。深見人情也。釋其四者。若謂解釋帝等三義。非經史子集。即後人擅加者。且如懺摩梵語悔過華言。今經文句不分華梵。直以首釋於懺。伏釋於悔。及黑白等五義釋之。又以鑑義訓於梵音。此等出何經論典籍。何不責其文無所出。令皆成謬。豈非大師善巧說法。務在顯理。以開人心。又既云智者聖師也。所說名教固非凡情俗學所能逮及。安得齊我之聞見斥聖之辯才。巫蠱之言。誰當信受。二依三義解釋。二初約教義釋。二初明十種三法皆具三義。問前以十種三法釋金光明。其義已顯。今那更將十種三法釋帝慧王。且尊重名金。照了名光。應益名明。與今貴義慧義及朝會義道理無殊。何須用此重對十法。豈非繁仍致令往者謂此等文是人謬撰。有何所以須重釋耶。答。蠡心讀文。謂爲稠沓。精詳其義。各有所歸。何者。前譬喻釋以金光明爲世物象。可以比況十種三法。至當體釋。雖捨喻從法。但云法性可重名金。寂照名光。應益名明。而且未示十種三法。一一當體名金光明。觀心十法。雖從當體而非約教。是故今釋顯從教示。一一三法。即貴義慧義及朝會義。皆是當體名。帝慧王。雖帝慧王與金光明三義稍同。而前從譬喻。今從當體。義勢天殊。縱使前後皆從當體。而前文自釋金等三義。今釋帝等何曾重述。又諸三法若也。各具帝慧王義。則令人深信。一一三法皆是經王。以即在題非遠取義。故也。二明十種經王皆能攝法。二初標列。二釋相。二初正明攝。三三初攝法門。三道在迷故攝。惑識別名義故攝。解三菩提攝。發心行者。填願行也。三大乘攝。發趣位者。發真趣果位也。乘遊四方直至道場。故三德攝理者。果後祕藏究竟理也。前文既明彼彼三法無二無別。驗知一一悉皆互攝。前文既曾委論互義。故今但示各攝相耳。二攝衆教。二初攝諸部三道。攝淨名者。不即三障顯三解脫。安得名爲不可思議。三識攝楞伽地持等者。以此經論多用三識顯事理。故

問經題本是佛世法門。豈可豫攝滅後論耶。答今以經題所召法門。即是諸論所詮之義。乃以所詮攝於能詮。故云三識攝地持等。況諸菩薩爲顯大乘尊經妙義。故造諸論。諸論所說違此經耶。若其不違理應攝屬涅槃。明說一切衆生皆有佛性。悉當作佛。故大品等五時教者。仁王般若云。大覺世尊前已爲我等說摩訶般若。若金剛般若。天王問大品等般若。今日如來放大光明。斯作何事。至佛定起。無問自說。仁王般若。若仁王對前四種般若。即當第五。此五般若說各一時。故得名爲五時教也。菩提願行多出方等諸部經。故理隨得三成一大乘法華開會。故新譯華嚴合於理智。但名法身。并於垂應以爲二身。舊經明義。即一而三。故與此經三身相攝。涅槃三寶及以三德。大經最顯。故問真諦云。三德攝三涅槃。正斷二乘。斷見般若。若正遣凡夫有著。華嚴正化始行菩薩。今經通爲八位人。故稱王也。文句破云。作此偏說。無智之人。於諸經起輕慢。此義不可。今那得用十種三法。分對諸經。却同真諦被破之義。答真諦所釋分割三德。在於三經。是別異義。故爲所破。今以三法非縱橫義。攝於一經。攝彼彼經。亦復如是。且如大品題稱般若。義至三故。諸法融淨。維摩所說亦名解脫。以具三脫。故不思議。須知今立十種三法。一一三法非縱非橫。而高而廣。豎徹極果。徧收諸法。故以十三分對諸部。如前真諦分於三德。對道前等三種之位。大師廣斥。至今自立法性甚深。乃用十種三法之義。對本有等三種之位。故知他將一法以攝一經。類今三法而攝一經。山臺相絕。學者應審。若謂不殊太無眉目。二攝一切上諸經論。並是大乘。且舉世人共見聞者。故云當道。結猶豫也。但豫八萬四千法藏。皆爲所攝。須知八萬該乎一代。無一名義。暫離十種三法。經王故文句云。於九種經中而得自在。三攝六位。二初明十法本位。苦道有分段變易。故云一切五陰煩惱。有通惑別惑。故云五住業有漏無漏等。故云一切合云。三識有一切心。王心數此二是本有位。三因至三涅槃。此六是有位。三寶三德是當有位。此位前文已委說。故但舉三。道餘皆例知。此說乃是十種三法本分之位也。文略九種本位攝法。故云乃至及注云云。現行印本悞將並書云云。而爲以字也。

金光明經玄義拾遺記卷第五

金光明經玄義拾遺記卷第六

宋四明沙門知禮述

二明十法攝位。謂下攝於上。上攝於下。中攝上下。故一一三法皆攝六位。三障覆六位者。斯由三障從迷說。六即從解說耳。若即三障之非道。通達三障之佛道。即此佛道須論六位。此之六位攝一切位。理即攝博地位。名字攝一切學習位。觀行攝五品位。相似攝十信位。分真攝四十一位。究竟攝妙覺位。乃至三德等者。解於三障有六即位。解九三法各論六。即然性德中十種三法。皆須即障照之令顯。但約所顯而明十番六即位之言。三德既備攝等者。合例三道論於類攝。謂法身有三身及一切妙境。般若有三智及一切辯慧。解脫有三脫及一切神變。既就三德論於六位。須論六位皆即三德所攝之法。故云六位寧不備收。其間八三各各備攝。及八六位位位備收。準例可解。二明攝三意。以三番攝法合帝慧王者。前之三番。即三十重論帝慧王。今乃攝製法門十重。佛所師故。結歸於帝。合貴極義。攝教十重。鑑機說。故結歸於慧合雄略義。攝位十重。皆趣果故。結歸於王。合朝會義。又十種法門。一一高廣。不論優劣。乃是橫攝。六位皆即自下升高。故當豎攝。教詮法門復論六位。故當橫豎雙攝之義。如斯統攝。題稱帝王。諒無慚德。二約觀行釋。二初正釋。二初正約帝慧王明觀。以中空假觀一念心。即帝慧王義觀冥符能所體一。自己經王於茲可顯。二會同金光明示位。以帝慧王與金光明。皆是法性當體之名。欲令經王統攝義顯。是故重安帝王之目。今欲行者。知此二名同詮法性。故持會同金等明位。五位文義如前可知。唯名字即語稍難解。心但有名者。金光明名也。初學之者。於一念心。但有此名。未有此觀。故云即名字金光明也。二結意。意在觀心聞慧具足。夫如是則法性寶山不跬步而至矣。然此觀行諸說。文旨尤邃。非造心山家壺奧者。莫可輕議也。予研精此義。積有歲年。豈敢抑理順情。是此非彼。奈何境觀之道。宛而有歸。況諸部之相符。驗斯文之未喪。嗚呼。諸祖既往。代有明賢。知我以觀心罪我。以觀心願無得而隱也。二釋通名法華解題廣釋通目。乃直以經翻脩多羅。雖有翻無翻各十五義。砥於經字義解無餘。學者須於彼文尋究。釋名畢。大章第二辨體。前章釋名。總於三法含體。宗用利根之者。即達能詮忘情得體。自成宗用。其鈍根人。以名具三體混在內。心慮難遣。妙體莫彰。故次釋名別譚體等。俾於法性絕念而游。即於此典金光明中。而得見我釋迦牟尼文先分二初標列。

列於辨體三章門也。問本爲忘名故別示體。今還釋名與前何異。又但釋名引證料簡。何意不立辨體章門。答夫忘名者非謂默然。若善釋名其各自泯。無離文字說解脫相。文字性離即是解脫。今所釋者但釋體名。前章總三與此永異。又體本寂滅。寄名詮之。故但釋名即當辨體。總持無字字顯總持斯之謂也。既釋體名。又引經論證成體義。復約說證料簡於體。辨體之旨曲盡其妙。那言不立辨體章門。解釋分三。初釋名。二初約字略示。前章釋名是實。是假此章辨體是主。是質。二就義廣釋。二初約二名總釋。三初標標起二種爲釋。所依二釋。三初一體二名。若依義者。即體宗用三章義也。法身爲體。報身爲宗。應身爲用。今之所辨義當法身。若七卷經有三身品。此亦是文。今解四卷且名爲義。若依文者。創首即云游於法性。下文節節其文不少。須知一體立此二名。二簡通從別。三初約義簡。真中二理俱名法性。故身子云。同入法性。偏眞法性也。就中而論。有但不於不但。中有分有滿。今取如來所游法性。乃是不但已滿中道而爲經體。二引文示。尙過菩薩分證圓中。豈是但中及空法性。三據文結。此經判教。應於通教簡取圓極。而爲經體。不取二乘及鈍根菩薩所證法性。及被別接但中法性。三爲四章主。二初法佛以種智爲能游入。是經之宗。深廣法性而爲所游。及爲智本。即是經體。若偏眞法性體類太虛。非智之本。中道法性體是本覺。能爲始覺。種智之根。今經以果而爲宗。要果智乃是究竟。始覺始本不二。而二體爲宗本。若不然者。何名但是佛游入耶。功德衆行是經之用。所嚴所趣即是體也。滅惡爲功。生善爲德。功德乃是力用。異名。以此力用莊嚴法身。懺悔讚歎空智導成。此乃以行而爲力用。問宗取佛果。用須佛力。功德屬佛。爲用可爾。行在衆生。那爲經用。答衆生之心。非佛威力。豈能立行。故般舟見佛論其三力。一佛威力。二三昧力。三是行者本功德力。若非感應。無一善生。故起信云。所言用大者。謂能生一切世間及出世間善因果。故行是經用。其義昭然。皆徧十界。故云無量及種種也。言說問答能詮辨邊。即是經名及教相也。其所詮辨豈非經體。名教二種俱是能詮。自行稟得。故曰經名。爲他詮辨。乃曰教相。自他雖異。俱詮法性。問名是經題。豈有問答詮辨等耶。答一經始終皆能詮名。含幾問答。但以題目是經總名。故解題目稱爲釋名。那謂經名不曾問答。二喻衆星萬流。以類四章。北辰東海可方體質。三結可見。二就三義別釋。以金光明是能詮名。法性既是所詮之體。故今於體而立三義。應彼三名。以此望前。前不分三名爲總釋。今釋分三。初應金名。以禮義釋。二初直明字訓。禮者釋名云體也。言得

事之體也。今明體有尊賤者。意在揀臣子而取君父也。二會同體義。今之經體既是究竟所證法身。正同君父體禮之義。揀非分證法身已還。臣子之體也。二應光名以底義釋。三初約字訓立。謂此實體是諸法底。故其得體方曰窮源。淵府實際皆理趣之極也。二引文證成。三種般若圓融深廣名智度海。實相般若為體。為底底通分證。唯佛能窮。三以今義結。祇一法性當體貴極。當體甚深。當體無量。以底釋體合甚深義。言法性高深。豎窮佛海者。對前論意。互顯令深。論明法海深。唯佛能窮。底今明佛海深。此法能為底。人法互相顯體底義。方成三應明名以達義釋。三初約字訓立。體是達義者。顯法性體本具諸法。當處是中道體。佛以此體達一切法人識。此體亦達一切。是故智者觀行得體。能達諸法自在無礙。一切異名不能壅塞。具如前文三字譬法。如從一法至河沙法。同異無妨。正是今文體達之義。例前體尊及體底義。皆是觀行所證法門。故章安叙止觀云。大師說已心中所證法也。二引文證成。實相般若雖是一法。而體本具一切諸法。佛赴衆生種種異說。異是一異。異豈異一。故得一者能達異說。佛等三名。即一實相觀。一達三同。異自在。三以今義結。祇一法性當體無量。故與達義釋體相符。二引證。二初具引四文。序品在初。故示法性體義備足。如來所游非三乘共。故無量甚深。三諦圓妙。故鬼神品兩言法性。且云。二文語句相連。共顯一義。文云。若入此經。即入法性。如深法性。即於此典。金光明中。而得見我釋迦牟尼。今據深字。簡非二乘。及以分證。空品說空。不但空有。亦乃空。空既是中空。無二邊異。故云空即如也。讚佛品既讚果佛。知之一字。即種智知。此知知下三諦之理。有即俗諦。非有即真諦。本性即中諦。空寂二字。寂其三諦。對俗立真。對邊立中。知絕待。故三皆空寂。不作此解。非讚佛知上之三文。其義不異。今經之體理合。如然。二結成一體。四品異名皆詮法性。故法是下解法性名。成經體義。法性常一能軌。則佛法常一。故諸佛常一。故佛皆以法性為體。佛體即是此經體也。三料簡。二初問略舉二句。意必該四。以答中自他若泯。若用皆論。四故。二答。二初正答。二初明理。非四句。當知等覺修離見禪。蓋欲淨於微細四句。今明妙覺所游法性。出于等覺四句之外。故云過諸菩薩所行清淨。豈將三教及凡外四句。而可求耶。二赴機須四說。第三是法身。前二是化身。應身。此以性一簡於修。二故分真假。文列三句。結云。四句四門者。既有雙非。寧無雙示。即雙取前二為第三句。此皆圓教四門。詮理若論赴機。亦可說前三教四門。二結示。良以衆生於四種門。有四悉機。是故大聖作空等說。若其悟入理。尚非一況。

定有四。四無四相故云。皆是無諍之法。新舊兩文空有不同。若得今師體達之意。百年尙一況二文耶。第三明宗。此亦名中三法之一。以由根鈍於總不了。故別示三謂體宗。用今別明宗。即當果智顯體之宗也。先分爲二。初標二釋二。初約義畧明三。初示字義。宗義蓋多。今取要義。欲明果智是常無常。衆德之要也。二定因果。二初泛舉他釋。二尋究二經新舊兩本。雖各舉因。並是就因疑問於果。故知經意以果爲宗。三正明宗。二初的約果德。畧示今意也。二釋出所以。萬行之因。雖亦顯體。不及果德。究竟相應。問若言爲顯法性體。故偏取佛果爲經宗者。法華豈不顯實相體。何故雙用因果爲宗。答法華正開千如實體。是故因果皆能顯之。此經正詮如來所游法性之體。此體非常非無常。能常能無常。乃是專論極位三身。非果爲宗。此等衆義。無由得立。故云果是顯體樞要等也。二附經委釋。二初明今師正釋。二初正釋二。初據經文立義。釋二。初約佛壽對法性明宗。三。初明得果冥體。釋迦別號。如來通號。以別簡通。顯今教主極果人也。壽量乃是果人所尅難思之用。不冥法性。寧尅此用。二稱體立能。二初立義。法性中實離諸邊倒。故非有無及常無常。果人果法。既與性冥。亦乃雙非雙非之性。法爾雙照。故也。二示文問下文句釋。壽量品題云。山斤等無能算計。與阿彌陀同是有量中之無量。雖極長遠。終是無常。今何以此明其能常。答雖是有量。以人天等莫知齊限。若非法性。能常之用。那得現壽長遠若斯。是故四佛舉此長壽顯佛常用。今八十滅度。卽無常用。此常無常。卽是法性雙照大用。三約釋疑。明宗。二初約疑。明失信相。但以八十滅度。無常爲疑。不知如來能現常壽。尙不能解。卽短之長。焉了妙證。非長非短。此舉迷宗之失也。二約宗顯得。法性體用顯由極證。故云。若不約果。此義難明。今以佛果爲顯體宗。則非常非無常。能常能無常。衆義皆立。除信相疑。使群機悟。此乃解宗之得也。二約報化對法性明宗。三。初明果有總別。二初明餘經別舉智斷。餘經說果或智或斷。如指左邊。必具於右。指右亦然。智契理。故衆善溥會。豈可契理而不斷惑。是故任運具於斷德。斷德調機。非智焉能諸惡永盡。是故任運具於智德。諸經互舉。乃隨時之義也。二明此經總於二三。壽量乃是修道所得。故名果報。感果獲報。智斷必全。既總智斷。合具三身。何者。智是報身。斷是應身。此二全以法身爲體。故知今經明壽量果能總二德。及以三身。二明宗體融妙。二初約三身稱性。故互攝問法身如何。更冥法性。答此文既云。果上三身與法性冥。此乃修三冥於性。三。故云法性非常非無常。能常能無常。豈非性三修極。三身與性冥。故使三身各有